

## JU MJEŠOVITA SREDNJA ŠKOLA U BIHAĆU

Na osnovu Člana 138. stav (g), te člana 143. i 144. stav 1) i stav 2) Zakona o srednjem obrazovanju („Službeni glasnik USK-a“ broj 17/12 od 04. jula 2012. god.), i Odluke ŠO JU MSŠ Bihać br. 2025/18 od 07. 11. 2018. godine, ŠO JU MSŠ Bihać raspisuje

### K O N K U R S ZA IMENOVANJE DIREKTORA JU MJEŠOVITA SREDNJA ŠKOLA U BIHAĆU NA PERIOD OD ČETIRI GODINE

Opis pozicije:

- a) rukovodi radom škole;
- b) zastupa školu i odgovara za zakonitost rada škole;
- c) stara se o ostvarenju Nastavnog plana i programa škole;
- d) odlučuje o raspoređivanju radnog osoblja u školi i vrši ocjenjivanje njihovog rada, odlučuje o pravima i obavezama radnika iz radnog odnosa u slučaju neispunjavanja obaveza iz radnog odnosa izvještava Ministarstvo obrazovanja i Pedagoški zavod;
- e) podnosi Školskom odboru izvještaj o radu i rezultatima rada;
- f) izvršava odluke stručnih organa i Školskog odbora;
- g) informira Školski odbor o finansijskom poslovanju;
- h) vrši i druge poslove u skladu sa Zakonom o srednjem obrazovanju i Pravilima škole imenovanje se vrši na period od četiri godine.

Svaki kandidat mora ispunjavati slijedeće uvjete:

#### A) Opće

- da je stariji od 18 godina
- da je državljanin BiH
- da nije otpušten iz državne službe kao rezultat disciplinske mjere na bilo kojem nivou u BiH u periodu od tri godine prije dana objavljivanja upražnjene pozicije
- da nije pod optužbom Međunarodnog suda za ratne zločine (Član IX Ustava BiH)
- da nije osuđivan za krivično djelo i privredni prestup nespojiv sa dužnošću u Ustanovi pet godina od pravosnažnosti presude isključujući vrijeme zatvorske kazne
- da nije lice kojem je pravosnažnom presudom zabranjeno obavljanje aktivnosti u nadležnoj instituciji u koju se kandidira (ne starije od 6 mjeseci)
- da nije u funkciji u političkoj stranci u smislu Člana 5. Zakona o ministarskim, vladinim i drugim imenovanjima Federacije Bosne i Hercegovine
- da nije član zakonodavne, izvršne i sudske vlasti prema odredbama Zakona o sukobu interesa u organima vlasti u Federaciji BiH („Službene novine Federacije BiH“ broj 70/08)
- da nema privatnih ili finansijskih interesa u instituciji u kojoj se kandidira

#### B) Posebni

- da kandidat ima visoku stručnu spremu (VII stepen), te da ispunjava uvjete za nastavnika odgovarajuće škole, odnosno pedagoga- psihologa, da ima najmanje osam (8) godina radnog iskustva, a od toga najmanje pet (5) godina radnog staža u nastavi
- sposoban za savjesno, odlučno i odgovorno odlučivanje upražnjene pozicije
- sposobnost nepristranosti u donošenju odluka.

Uz prijavu, koja treba sadržavati kraću biografiju, adresu i kontakt telefon, kandidat treba dostaviti:

- uvjerenje da je državljanin/ka Bosne i Hercegovine (ne starije od 6 mjeseci),
- izvod iz matične knjige rođenih,
- ovjerenu izjavu da nije pod optužnicom Međunarodnog suda za ratne zločine u bivšoj Jugoslaviji (član 9.1 Ustava Bosne i Hercegovine),
- ovjerenu izjavu da nije na funkciji u političkoj stranci,
- ovjerenu izjavu da kandidat/kinja nije član organa zakonodavne, izvršne i sudske vlasti ili savjetnik/ca u smislu Zakona o sukobu interesa u organima vlasti u FBiH („Službene novine FBiH“, broj 70/08),
- ovjerenu izjavu da nema privatni ili finansijski interes u instituciji u kojoj se kandiduje
- ovjerenu izjavu da nije otpušten/a iz državne službe kao rezultat disciplinske mjere na bilo kojem nivou u Bosni i Hercegovini u periodu od tri godine prije obavljanja upražnjene pozicije,
- ovjerenu kopiju diplome o završenom obrazovanju,
- ovjerenu kopiju uvjerenja o položenom stručnom ispitu,
- uvjerenje o radnom iskustvu i stažu u smislu dokaza za posebne uslove za imenovanje/nominiranje za direktora/icu srednje škole.

Krajnji rok za podnošenje prijave je 15 (petnaest) dana od dana objave oglasa. Nepotpune i neblagovremene prijave neće se razmatrati.

Po okončanju konkursne procedure kandidat koji bude izabran dužan je u personalni dosje dostaviti i slijedeće dokumente:

- uvjerenje da nije osuđivan za krivično djelo (izdato od nadležnog MUP-a, ne starije od 6 mjeseci)
- uvjerenje o nekažnjavanju za privredni prijestup pet godina od pravosnažnosti presude, uključujući vrijeme zatvorske kazne (MUP, ne starije od 6 mjeseci)
- uvjerenje da nije lice kojem je pravosnažnom presudom zabranjeno obavljanje aktivnosti u nadležnoj instituciji u kojoj je kandidat (općinski sud, ne starije od 6 mjeseci).

Prijave se podnose putem pošte na adresu JU Mješovita srednja škola u Bihaću, Ul. Džanića mahala br. 68, 77 000 Bihać, sa naznakom „Prijava na konkurs za direktora škole“-OTVARA ŠKOLSKI ODBOR

PREDSJEDNIK ŠO JU MSŠ BIHAĆ  
Roman Balić